

կ'այցելէ աւխտագնացութեամբ և կը վերադառնայ Երզնկա, ապա Պոլլիս հռոմէականացի իրեն հայրենակից Դարանաղչի Դրբագոր վրդ.ի հետ վերջին անգամ կ'այցելէ Ս. Յակոբի վանքը, ուր և կը վախճանի: (տե՛ս նաև Դարանաղչի, էջ 591=599):

ՊԵՏՐՈՍ ԱՖ. ՍՐԵԻՆԵԼՅԻ.— Մբ. 1831ին կը պաշտօնավարէր Բեթղեհէմի Ս. Ծննդեան վանքին մէջ:

ՊԵՏՐՈՍ ԱՖ.— Մբ. 1782ին. Ն. Երուսաղէմի Պայագիտի մէջ: Յիշատակարանի մը մէջ իր մասին կը կարդանք հետեւեալ տողերը. «Միխայէլ Ասորոյ պատմութիւն. ևս սբ. յէմյ. նւրկ. Պետրոս տրուպարեղայ ընթերցայ ի քաղաքն Պայագիտ. ի ՌՄԼԱ. (=1782) թուին, և ամսեանն Դկտմբրի. 2ին աւարտ»: (ՅԱ. էջ 18—19. Թ. 18):

ՊԵՏՐՈՍ ԱԿՆՅԻ.— Ս. Յակոբի ժառ. վարժ.ի թանգարանին մէջ կը գտնուի քարէ յիշատակարան մը, որ կը կարծուի թէ՛ Զիթենեաց լեռը Շուշանիկի մոզայիք դամբարանին մօտերը գտնուած է (MC. A. en S. էջ 6—7). նոյն յիշատակարանին արձանագրութիւնն է հետեւեալը.

«Ած. զս. Ակնցի Ահի? Պարոսին և ծնողացն որ աշխատայ ի նորոգումն սբ. տաճարիս յիշեցէք ի տէր».

ՊԵՏՐՈՍ ԴՊԻՐ.— Մբ. Ս. Յակոբի վանքին մէջ 1616ին կ'ընդօրինակէ Սաղմոս մը:

ՊԵՏՐՈՍ ԵՊՍ. ԱՍՏՈՒԱԾԱՏՈՒՐԵԱՆ, ԿԵՍՍՐԱՅԻ, (ՎԱՆՔ ԳԻՒՂ).— Մբ. որդի Խաննի Պոսախի. աշկ. Կաղզուանցի Զաքարիա պատրիարքի՝ որուն կը փոխանորդէ (1786—1801). (ՄԶ. Թ. 399. նաև Դիւան, Գիրք Ե. էջ 143). այս միջոցին կ'ընդօրինակէ Յեսուայ և Եզկիլիքի գրոց մեկնութիւնները 1679 թուականը կրող ձեռագիրի մը վրայէն (1786). նաև վարդան վրդ.ի Սաղմոսաց Մեկնութիւնը (1796), Շղթայակիրի և Կոլոտի օրինակէն Կանոնագիրք մը (1795). (ՄԶ. Թ. 1121. Թ. 1143. Թ. 182). Պետրոս եպս. այս վերջնոյն կցած է հետեւեալ յիշատակարանը. «Մեծի Կ. Պոլսոյ Տեառն Զաքարիա ազգասէր և բարեկարգ պատրիարքին ձեռնասուն աշակերտ և վիճիկ Կեսարացի ի վանք գիւղէն, յԱստուածատրեանց զարմէ. Պետրոս և եթ ևայսկոպոս ձեռամբ իմով գրելով ի Պոլլիս պատրիարքարանս ևղեալ յօրինակէն որ էր գրեալ Տեառն Կրիզոստի սրբոյ Սաղմոսայ և Տեառն Յովհանն».